

Gadri pou Timoun



Eksplòre opsyon ki genyen pou gadri pou timoun ka yon gwo travay. Lè wap chèche yon etablisman gadri, toudabò panse avèk tanperaman pitit ou a. Timoun ki maleyab e ki fasil pou viv yo adapte yo pi souvan nan gwoup aktif yo. Timoun ki pansif, ki pridan yo ka bezwen yon anviwònman ki pi piti oswa ki gen mwens timoun. Timoun ki gen fòt pèsonalite, ki gen santiman entans yo ap santi yo byen nan yon etablisman kote moun kap bay swen an ka aprann konnen yo epi reponn ak bezwen yo. (Sètènman, *tout* timoun ap benefisye de sa!)

Kèlkeswa tanperaman pitit ou a, ou dwe pran tan w pou egzamine posibilite etablisman gadri pou pitit ou a. Pa ezite mande pou fè plis ke yon vizit oswa pou poze anpil kesyon. Lè wap vizite yon sant gadri, gade si mèb yo, lavabo ak twalèt yo apwopriye pou wotè timoun yo. Èske w wè jwèt ki san danje epi ki apwopriye? Èske gen zòn apa pou dòmi, pou chanje daypè ak pou manje? Obsève sa pèsònèl la ak moun kap bay swen yo ap fè. Èske timoun yo ap jwe oswa entèraji youn avèk lòt? Avèk adilt yo? Èske gen yon televizyon ki limen? Èske timoun yo parèt kontan? Si nenpòt tibebe oswa timoun piti kontraye, kijan pèsònèl la reyaji?

Li toujou bon pou konnen si pwogram nan sètifye, lisansye oswa akredite. Ou ka mande referans epi pale avèk kèk fanmi ki la sou eksperyans yo fè.



SANTE AK SEKIRITE

- Èske pèsònèl la soti ak timoun yo andeyò espas la? Nan machin? Apye? Atravè lòt mwayen?
- Ki politik ou genyen nan zafè maladi? Kisa kap rive si pitit mwen an malad oswa blese?
- Èske yo lave jwèt yo ak sifas yo epi dezenfekte yo regilyèman?
- Èske yo mete tout tibebe yo kouche sou do yo?

- Èske sant la/kay la gen materyèl premye sekou? Èske pèsònèl la konnen teknik premye sekou ak reyanimasyon kadyo pilmonè pou tibebe ak timoun piti?
- Èske pèsònèl la pratike egzèsis evakyasyon nan ka ensandi oswa lòt mezi sekirite regilyèman? Konbyen fwa? Èske gen politik alekri ki anplas?

SWEN ADAPTE

Lè moun kap bay swen yo adapte yo pou yo satisfè bezwen timoun yo, yo rele sa *swen adapte*. Gras ak apwòch sa a, moun kap bay swen yo obsève timoun yo ak atansyon. Yo jwenn yon sans nan jès, gazouyman, kri ak rega timoun yo. Moun kap bay swen yo mande tèt yo poukisa timoun yo konpòte yo fason yo fè a. Yo devine epi yo gade pou yo wè si yo gen rezon. Èske tibebe kap kriye a fatige? Grangou? Gen daypè ki mouye sou li? Kontrarye? Apresa moun kap bay swen yo chanje konpòtman yo sou baz sa yo aprann. Yo atantif tou ak *estil chak timoun*. Sa garanti ke yo trete chak timoun tankou yon moun apa, ki gen pwòp panse, santiman ak bezwen pa l.

Men kèk kesyon adisyonèl pou poze:

- Èske moun prensipal kap bay swen an ka vizite timoun yo san yo pa rele anvan? Nenpòt lè nan jounen an?
- Èske w respekte pwopòsyon moun kap bay swen-timoun ke eta a fikse a?
- Kijan ou ede nouvo timoun yo adapte yo? Èske mwen ka obsève pitit mwen an nan salklas li?
- Kijan ou jere sa lè yon tibebe oswa yon timoun ap kriye pandan anpil tan?
- Ki politik ou genyen nan zafè disiplin? Kijan ou jere agresyon (ak mòde)?

PWOGRAM AK KOURIKOULÒM

Petèt ou vle konnen si gen yon kourikoulòm espesifik oswa si anseyan yo suiv enterè timoun yo. Ou petèt vle mande:

Èske mwen ka gen kèk egzanp aktivite nou fè pou gwoup laj pitit mwen an?

- Èske yo bay timoun yo tan pou yo jwe san direktiv? Pandan konbyen tan?
- Èske gen yon zòn pou jwe anplennè la a oswa toupre a? Pandan konbyen tan timoun yo jwe anplennè?



- Ki filozofi pwogram ou an konsènan timoun, devlopman ak aprantisaj? E konsènan swen tibebe ak timoun piti?
- Èske moman pou gade televizyon/videyo/ekran fè pati jounen timoun yo? Kisa yo gade epi kilè?